

E. R. C.
THOMAS
1082
8



1082.8

VINCENTII

AGRIPPAE COSEN

TINI HYMNORVM

LIBER. AD

Christum Omnipotentem.



Florentia. M D XLIX.

Cum Privilegio.



VII. AGRIPPAE

Ad Christum Omnipotentem.

*Quādoquidē segnes quod non consūpsimus annos,
Venturae aetati prodere Musa iubet.
Abs te principium faciet mea Pieris, in te
Desinet, o hominum calicolumq; parens.
Ergo tu mentem, calamos & dirige nostros,
Ut scribam excelso carmina digna Polo.
Da deinde auxilium nostrae succurere legi,
Atque aperi umbras Sole micante uias.
Ut iuuenum duros possim mollire labores,
Auxilijsque leuem pectora multa meis.*

2

VINCENTII AGRIP-
PAE COSENTINI HY-
MNORVM LIBER PRIMVS.

DE DEO ET DIVA MARIA

ECCE dies Musæ magno cum carmina Regi
Cælicolum, et matri sobolē sub paupere tecto
Enixæ unigenam patris omnipotentis Olympi
Sæpe fuit mihi mens meditari. Vos mihi tutum
Nunc ferte optanti auxilium, cantusque mouete.

Imprimis hominū Rex ille, & maximus author
Astrorum, superos orbes, terramque fretumque
Ex nihilo effinxit, gentem simul ætheris alti
Aligeras acies, ut se fruerentur, & ipsum
Atque suas canerent uires, & maxima facta.
Quiq. suum agnorunt regem dominumq. deumq.
Rege suo nunc, & cæli regione fruuntur.
Inde autem horribili deiecit fulmine diras
Tartara ad ima acies, qui bella infanda mouebant
Artifici rerum. Iacet æternumque iacebit
Noctifer infelix orci sub nocte profunda,
Nec quicquam prodest, quod semen ducit olympto.
Ignea uis illum, magni uis frigoris illum
Perpetuo excruciant Erebo, immanesq. dracones.

*Idem opifex hominem contempto pulvere finxit,
Illius & causa solemque & sidera phæbemque
Et maria & latas terras cælumque profundum.
Quippe uelut mulier partum missura sub auras,
Omnia quæ partu iam sunt adhibenda futuro
Comparat, ut partum possit sub luce tueri.
Sic pater omnipotens uenturum in luminis oras
Condere constituens hominẽ, prius omnia finxit
Quæ facerent letos hominis mentemq. animumq.
Quẽ postquã effecit faciemq. & membra decorũ,
Atque deo similem, dignumque habitare penates
Æthereos, inter superos, animasque uerendas;
Continuo in campos felices transtulit, illi
Parere & iussit cretum genus omne animantũ,
Et pecora in latis terrarum errantia campis,
Squamigerasque feras pelagi, piẽtasque uolucres.
Et late dominum terræ nemorumque sacrorum
Constituit, fœtu unius tantum arboris illum
Illius & morsu tantum deterruit uno,
Qui si mansisset dictis iussisque uerendis,
Nunquam pallida mors hominẽ soluisset & artus.
Sed post mille annos ardens ad sidera uirtus
Vexisset, pulchra cælique in parte locasset.
Ipse autem infelix male suadi fraude draconis
Infregit summi monitus & iussa parentis.
Propterea irarum uoluens sub pectore fluctus*

Omnipotens, hominem felicibus expulit aruis,
 Multauitque reum uario duroque labore,
 Et morte horribili, & tenebris damnauit auernis;
 Affecitque ijsdem pœnis genus omne futurum.
 Damnorum sed post nostrorum multa misertus
 Sacula, progeniem cæli demisit ab' arce,
 Qui gentem infirmam faciendo mira, docendo
 Et iustum atque æquum superas reuocaret ad oras.
 Atque illam æternæ donaret munere uitæ
 Et mortem daret horribilem contemnere, et omnes
 Erumnas, quibus urgemur sub tegmine cæli.

Ille igitur patris iussu delapsus olympo,
 Induere & uoluit uultus mortaliaque ora
 Et mille erumnas ac mille subire labores,
 Vulneraque mortemque pati, figique cupressu,
 Infecta ut lueret mortalis crimina gentis
 Sanguine, & horrificis illam seruaret ab umbris
 Præterea postquam postes patefecit olympi,
 Egregium numen procedens numine utroque
 Demisit, dulces ut solaretur amicos.
 Ignipotens igitur descendens numen ab astris,
 Bissenos proceres cælesti robore, linguisque
 Igniferis donat momento, hominumque loquelas
 Cunctorum docuit, decies ut ab æquore uecta est
 Quinta dies, a luce illa qua maximus ultor
 Afflictorum hominum regnis remeauit ab imis.

Omnipotens numen doni septemplex author,
Ignis, amor, uirtus, supremi infusor amoris,
Et mentes hominum diuinis ignibus afflat,
Illustratque animos cacos, solatur & egros:
Sic & tartareas acies contundit, & hostes
Mutati ut faciem confusa & mente recedant.

Nunc uero egregiā Nymphā laudesq. canamus.
Omnipotens cuius felicem spiritus aluum
Optata impleuit cælestis prole parentis.
Diuina Ammeriæ cæli regina sereni
Progeniem patris postquam mortalibus agris
Ædedit æterni, gentes sibi gaudia cæli
Et diuum, erexit pulchros acquirere honores.
Sic & progeniem diuina & numina placat,
Vt per progeniem rapidis seruentur ab undis;
Munditiem immundis, defectis auribus aures,
Linguam infelicem deuinctis dona loquendi,
Ægrotis primas uires, & robora donat.
Quicumque ad diuam se fert, & numina poscit;
Nec lento remeat passu nec pectore tristi:
Fundite dulcisonos cantus, & carmina diuæ
Mortales, diuam uestris exposcite uotis.
Hæc solemne die quondam sibi sanguine iuncta
Limen adit matris, seniore & uoce salutat;
Vnde beata dies inuentum nomen adeptæ est.
Tum puero assurgit puer intra uiscera matris

Æterno patri æquæuo. quod tu pia sentis
Helisabe nullum uentris perpeffa dolorem.

Ammeriæ precibus Cælo qui præsidet aurco
Concedat nobis animum mentemque benignam;
Et nos prudentes faciat, Inſtosque modestosque
Et fortes contra furias infernaque monſtra,
Detque uoluptates fluxarum temnere rerum
Quæ nequeant noſtros ſenſus & corda mouere,
Juſtifiſcas animas amplecti, & uera profari;
Et caſtos faciat iuuenes, caſtasque puellas,
Matres atque uiros concordî in pace reponat:
Illuſtret noſtras diuino lumine mentes:
Peſtoribus firmet monſtratam relligionem;
Ut rerum domino puriſſimulemur, ut illi
Et grati ſimus, qui terras atque per undas
Defendat, placidasque Poli conſcendere ſedes
Annuat, atque ſuos uultus ſpectare ſerenos.

Ad Patrem Omnipotentem.

O Mnipotēs Genitor qui facta hominumque
deumque
Et regis atque uides, cunctos qui diligis, in te
Qui ſpem conſtituunt, & firmo peſtore credunt
Te miſeraturum ſua facta indigna dolentes,
Erroresque graues, conſtanti peſtore credo

A iiij

*Te miseraturum prorsus mea damna, meosque
Errores, sanaturum plagasque cruentas,
Omnia te posse, ac terras cælumque, fretumque
Finxisse ex nihilo. Christum quoque pectore firmo
Credo abs te genitum, atque oris regnare supernis,
Quem solum nobis Regem dominumque dedisti,
Meque meumque caput proprio lauisse cruore,
Et seruasse animam fateor crudelibus umbris,
Quem Deus ignipotens insignem ut uirginis aluū
Felici impleuit partu, partuque potenti,
Humano generi uirgo sata sanguine Regum
Candore incolumi peperit sub paupere tecto,
Qui graue supplicium, præsens dum Pontius esset,
Pertulit ad Solymas, confixus brachia duro
Atque pedes ligno, post mortem & uulnera seua,
Marmore donatus niueo, tumuloque recenti est.*

*Nec renuit quicquā nigras descendere ad umbras,
Solueret ut patres uinclis, & carcere iniquo.
Atque ubi se Oceano profert lux tertia, et Orbem
Aurora illustrat radijs, & nubila differt,
Deseruit manes, superasque rediit in oras,
Corpore suscepto, primosque indutus amictus.
At postquam liquidis decies se sustulit undis
Quinta dies, a luce illa qua luce coruscus
Diuina, & uictor regnis remeauit ab imis.
Lectorum innumera diuum comitante caterva,*

Aethereumque aurum superas ascendit & arces
 Ut sese ad dextram patris pro sede locaret,
 Vnde iterum partes uolucer descendet ad imas,
 Iura det ut uiuis, uitali & lumine functis,

Credo etiam sanctū numen quod numine utroq.
 Procedens, animos caelesti accendit amore,
 Quod mihi firmabit mentem, uiresque fugandi
 Concedet toruas furias, infernaque monstra,

Confiteor toto sensu, totisque medullis,
 Quicquid apostolici monitus, & sacra papyrus
 Ostendunt, quicquid lecti docuere magistri:

Et conuenturos sanctos heroas in unum,
 Atque ascensuros supremi culmina caeli,
 Aeternum & patris fruituros numine diuum,

Intrepidus teneo, populum quod crimine ab omni
 Absolues, dum poeniteat se regem in Olympi
 Admisisse nefas, ueniamque exoret ab ipso,
 Qui facilis ueniam donat peccata fatenti
 Et pelagi cunctos homines uult eripi ab undis.

Indubitatum habeo quod luce carentia cuncta
 Corpora consurgent in dias luminis auras,
 Informata animis primis & luce priori,
 Vnigenae ut sobolis statuunt sese ante tribunal.

Nec mihi uana fides, quod postquam Iupiter aequus
 Iura dabit, quodcunque ibunt ad templa deorum
 Gaudium ubi eternū & semper mansura uoluptas.

*Et uitam ducent felicem & sine carentem,
Perpetuam uero mortem patientur & ignes,
Quotcunq. ob scelera infernas trudentur in umbras,
Luctus ubi assidue sæuus, sæuique ululatus,
Quos pater omnipotēs concedas temnere, et omnis
Præcepti esse tui memores, legumque tuarum.*

Ad Christum Omnipotentem.

Magne hominum genitor, nitidi possessor
Olympi,
Quem facile impertis recto qui tramite pergunt
Qui facilis ueniam donas peccata fatenti
Auxilioque iuuas dictisque actisque dolentes:
Num tua si infandis offendi numina factis,
Propterea ut primū non es mihi numen & autor?
Si mihi crudelem fœdaui crimine dextram,
Haud per me arescit pietatis mellifluus fons,
Qui doleo admisisse nefas, & numina magna
Offendisse Dei, uitæ quem pœnitet actæ.

Ipse licet fuerim nostrorum causa malorum
Et merear fulmen, tamē haud tibi semita clausa est.
Seruādi errantem, nec desunt pharmaca, mille
Mille medendi artes tibi sunt, & nomina, mille
Nunquā ego me amisisse poli regna alta negabo,
Æternosque mereri ignes, noctemque profundā

Sed tua criminibus maior clementia nostris,
 Exuperent numero licet illa et robor, frondesque,
 Oceanique undas, ætæque arentis arenas.

Ergo parens hominū quia nec tibi uirib. impar,
 Clementique animo insolitum, nec dedecet unquam
 Iustitiā immensam (quid enim tua nomina mōstrāt
 Seruator, custosque hominum, uindexque tuorum)
 Da ueniam fasso, noxa sꝑue ignosce fatenti,
 Quem sperare iubes supremi gaudia cæli,
 Iungere & agminibus spondes, numeroque deorū,
 Abiectum tanto puerum dignatus amore es.

Ad Spiritum sanctum domini.

H Vmani generis custos, rerumque creator,
 Qui donas homini uitæ immortalis honorē,
 Temperiemque illi sæuo qui fluctuat æstu
 Peccandi, cuius suavis refrigerat aura
 Comburi agnoscis rapido quos igne medullas,
 Qui mentes hominum firmas, & dirigis ætus,
 Et nostra accendis cælesti pectora amore,
 Qui septena tuis concedis munera alumnis,
 Ac libertatis nostræ ut promiserat auctor,
 Bissena ora sonis implex resonantia miris,
 Orantes ueniam tua numina magna precamur,
 Huc ades, & nostras illustra lumine mentes,

Vt te iustitiamque tuam super omnia amemus,
Constantesque oculis uideas in amore superno,
Huc ades; atque animos imple caelestibus auris,
Incendas hominum caelesti ut pectora amore,
Mitte auram, suffragantem aurā, aurāq. potentē,
Diuini ut fructus in nostro corde creentur,
Et terræ facies ornetur flore recenti,

Ignipotens numen, cunctorum Rex geniorum,
Qui potes æthereos terreno in pectore amores
Gignere, & humanas longe dispellere curas,
Ab te sancte peto, gignas in pectore nostro,
Laudatamque uoluntatem, mentemque benignam,

Æthereo per te patri, natoque potenti,
Atque tibi per te credamus pectore firmo,
Quem cunctæ æternū gentes uenerentur & ornēt
Laudibus omnigenis, & multo carmine cantent
Hostilesque procul pellas aciesque manusque
Vt duce te inferni uitare pericula fluctus
Possimus, tandem tranquilla & pace fruamur.

Ad Diuam Mariam

O Decus egregium calī, pulcherrima uirgo,
Antiquū genus herouū sata sanguine regū
Quæ miseros ad te uenientes accipis omnes
Lætifico uultu, magnoque extollis honore.

Ut puer ad matrem properat cum flagitat usus
 Seu quoniam immineat capiti letale periculum,
 Seu uana sit concussus formidine mentem,
 Sic pueri quibus in terris non ulla parentum est
 Lætitia, & nullum a consanguinitate propinquis
 Auxilium, nullumque ab eis qui nomine amici,
 Ad te confugiunt, tuaque orant numina, pellas
 Hostiles a se facies, uultusque malignos.
 Confugit ad gremium matris ceu turba minorum
 Pullorum, quoties inimicum euadere rostrum
 Accelerat, dubiamque parat seruare salutem,
 Turba puellarum sic te uiduata maritis
 Aduolat, ac supplex orat defendere ab hoste
 Digneris, saeuumque inimicum expellere tectis,
 Virginei cæus casta te uoce pudoris
 Reginam appellant, uiresque & robora poscunt
 Virgineum ut possint per te seruare pudorem.
 Diuitiarum inopes, angusto in limine uexat
 Quos sitis atque fames, te demulcente laborem,
 Haud animis ægris casus solantur amaros.
 Promittuntque sibi melioris tempora uitæ.
 Afflictus fatis, uariisque laboribus ætus,
 Cui nihil in terris reliquum, spesq. omnis adæpta est
 Humani auxiliij, si se se conferat ad te,
 Ingentem gemitum, & lacrymas solaris inanes,
 Hortari que dies hominem sperare serenos.

Carcere conclusus cæco, ferroque ligatus,
In te spem certam ponit: cacasque tenebras
Effugere et ferrum sperat, tibi soluere uota
Promittit, spondetque tuis suspendere templis,

Qui pelagi sulcant undas, te in gurgite uasto
Aequoris undisoni celebrant, certamque salutem
Appellant, precibusque implorant, æquora quādo
Et ualidas quassant naues & fata minantur.

Qui procul a patria peregrinis errat in oris,
Defectus proprijsque bonis, carisque propinquis,
Et sperat remeare domum, dulcesque penates
In patrios duce te, patriasque reuifere terras,
Sicut ego hei misero patrio qui limine pulsus
Eridani ad ripam Danaæ seruire puellæ
Cogor & externæ iubeor parere magistræ,
Quando erit illa dies qua te pulcherrima diuum
Ocinari ad ripas uenerer, temploque uetusto
Grata ferant reditu pro nostro dona parentes.

Aegrorum numerus languentia corpora strati,
Queis ingrata dies & nox est cinctæ tenebris,
Ut possint robur, primasque resumere uires,
Intendunt ad te uoces, & carmina pangunt.

Quicumque offendit superos, & crimine uitam
Polluit, ut niuea nequeat se ostendere fronte
Conspectu in magno diuum, uultuque sereno,
Ad te se uertit primum, te Dia precatur,

*Vt ueniam exores, irata & numina places.
Pro natis pater & mater, pro coniuge coniux,
Germani pro germanis pro luce parentum
Natorum numerus grata est cui uita parentum,
Intendunt ad te uoces & carmina pangunt.*

*Quæcunq. exoptēt homines, quæcunq. morētur
In terris, ad te ueniunt, te Dia precantur
Ut per te possint uotis optata potiri.*

*O Regina Orbis, diuum genus, heroina,
Spes secura hominum, ueluti mortalia corda
Ad te se uertunt, tua sancta & numina poscunt
Suppliciter, sic tu uirgo sata gente deorum
Auxilium miseris cælo demitte sereno,
Nec spes fallat eos, nec spes frustretur hiantes,
Nec patere ut subito mors in me spicula torquens
Exoneret cornu, te deposcente Deorum
Et pater & rex felices ascendere sedes
Imperet, æternasque domos habitare piorum.*

Ad Spiritum Custodem.

*O Rna aram laurique comis, mirtoq. uirenti,
Atq. accēde faces, floresq. insperge recētes
Per te cētum, da thura igni redolentia, fumos
Effice qdoratos, meritasque effundere laudes
Nec cessa aſtrorum Regi, superumque parenti.*

*Pectore quem placido, supplexque in uota uocabis,
Post uero aligerum puerum sic uoce precare,
Assidue qui te per terras atque per undas
Defendit, laterique assistit noctibus atris,
Aeraque illustrat claro dum lumine Phœbus,
Fide uigil, sine quo paruo mihi parua foret uis
Viribus, insidijsque hostis contendere, uires
Nunc mihi suppedita, nunc præbe uocibus aures
Scire uelim placeat ne Deo uel fata retractent
Quod uotis opto, secreta & mente uoluto,
Si te perpetuo colui, si numen amaui,
Et celebrare tuos cupij si semper honores,
Nunc mihi redde Iouē placidum, per te ille petentis
In mentem sese insinuet, monstretque futura,
Illustrans animi mentem pectusque serenans,
O mihi detraheres hebetantem lumina nubem,
Quæ prohibet uultus hominem spectare serenos,
Nec te subtraheres facie, nec lumine nostro
Insignes radijs oculos, rutilantiaque ora,
Si faciem mihi monstrares ardentiaque ora,
Nequaquam gelidæ formidinis aura moueret,
Qualem sæpe solet cæli de limite pulsus
Inucere humanis animis, licet artibus ille
Egregium accipiat uultum egregiamque figuram,
Nec formidarem flammæ, nec fulmina cæli,
Ut Bacchi de matre ferunt qui uana sequuntur.*

Sed

Sed mihi letitia mentem & dulcedine intra
Impleres, animum diuina & luce rigares.
Ipse magis cæca purgas caligine mentem
Quàm sol obscuras purgat caligine terras.
Tu bonus es felixque tuis, tu nubila pellis
Ex animo, nostros clypeo tu protegis artus,
Conciliasque Ioui mortalia pectora, tellus
Te colit & pelagus, cælumque & sidera, & ignes
Qui sæpe arcanos mirantur ab æthere lapsus

Magna quidẽ alipotẽs inuenis te munera posco,
Sed te de cælo demissum astrisque memento
Qui nostras tueare uias, nullumque laborem
Effugias, nostra pro libertate tuenda.
Scis etiam hoc multos donum mortalibus olim
Concessisse deos, nec te renuisse putandum est.
Et pater ipse deum uirgo quem candida nobis
Post mensem nouies lapsum peperitque deditque
Innumeros monuit duos euadere casus,
Mortales, tanto nec dedignatus honore est.
Vt qui turbauit pulchro de uertice Olympi,
Qui patri æterno seruilia bella parauit,
Miscere & toto tentauit prælia cælo

Vtque acri aligero tenues mandata per auras
Qui tulit ætheriæ diuæ, quod numinis aura
Igniferi, unigenam prolem esset conceptura,
Et cæli & terræ regis latique profundi,

Dicimus egregias laudes cantamus & hymnos,
Sic tibi iucundas laudes dicemus & hymnos.

Diuina Monitio.

VOce implorasssem magni cū numen Olympi
Supremū, a summo cælo me exaudiit, & me
Rebus in afflictis donis melioribus auxit
Atque spei, & fidei, nec non cælestis amoris.
Quæ uirtus tantum reliquas supereminet omnes,
Quantum aliis aurum præstat uirtute metallis,
Resque immortalis quantum mortalia uincit.
Meque etiam monuit, licet irascaris, & ignem
Concipias, tamen hunc compescas pectore forti,
Dedecoret ne te turpi uel crimine, uel te
Infami multet leto, extinguatque furentem.
Desere res uanas, non uera & desere dicta.
Et dicti tecum & tacito cum corde uoluti
Pœniteat sceleris, deleat iustitiamque
Exercere meam, latanti ut pectore uiuas
Atque animo excelso, furiasq. et tartara temnas.
Nonnulli multoque oleo multoque lyæo
Et fruge undantes, illis confidere gaudent.
Tu uero humanis rebus uanisque relictis,
Pollicitis summi dictis & fide tonantis,
Quod te donabit cælo, donabit & astris,

Vt te donauit incundo lumine uitæ.

De Natali nocte Christi.

NOx hominū atq. deū cūctis uenerāda cateruis
 Qua Patris æterni uirtus & gloria summa
 Virginis ex aluo nata est mortalibus agris,
 Nubila cūcta fugans, radiis & cūcta serenans
 Iam redit, ò dulces dic mecum tibia cantus.

Lupiades Nymphæ (quando sibi talia tempus
 Munera deposcat) sit fas euoluere carmen
 Quod deceat noctem, & tāto sit tempore dignum.

Aethereus genitor spectās quod lumine regni
 Aetherei nato, deberent agmina diuum
 Promere dulcisonas uoces, & promere cantus
 Nanque homo cælestesque foros, sedesque uacantes
 Impleturus erat, splendentisque agminis esset
 Prosperitas augenda, nouoque ornandus honore
 Ipse polo, innumera diuum comitante caterua,
 Aligerum misit iuuenem, qui gaudia terris
 Nunciet, & cælo demissum lumen ab alto,
 Quod soluat miseras atra caligine terras,
 Qui celerans magni præcepta implere parentis,
 Pastorum numero qui nondum lumina somno
 Tradiderant, nec dum recreabant membra sopore,
 Hac nocte apparet, hac est & uoce locutus,

*Pastores ouium domino gens nota supremo,
Ipse alto ueniens calo noua gaudia uobis
Nuntio, iam uobis datus est, iamque editus aluo est
Virginea, iratum patrem qui leniet, astra
Pandet, & infernas claudet (sæua hostia) portas
Concedetque domos pulchras habitare piorum.
Promite dulcisonos pastores promite cantus,
Dicite io domino, domino ter dicite nato,
Atque illum uobis promissum uatibus olim
Visite, muneribusque pijs ornate merentem,
Ite alacres, tenui uelatum tegmine membra
Stramineque in uili positum cernetis in antro.*

*Talia fatus erat, subito tum maxima turba
Militiæ cælestis adest, cantusque profudit,
Gloria in ardentis cæli regionibus aureis
Cælicolum magno regi, pax aurea terris
Pectoribus iustis mortaliaque ora reliquit.
Hec ubi pastores caperunt, protinus antrum
Et sobolem regis statuerunt quærere cæli,
Atque iter cœnse, numerosq. hymnosque canētes,
Fronibus & uarijs postes & floribus ornant
Atque introgressi uenerandum numen adorant,
Hunc postquā peperit diuū pulcheriima mater
Tergemini longe reges oriente relicto
Quæ ratio & magni monstrarant sidera mundi
Esse satum Cæli regem terræque marisque*

Ostendente uias cæli sibi lumine rectas
 Præsepe adueniunt, prostrato & corpore adorant
 Hunc regem insignem. cui munera diuitis auri
 Et myrrhæ lacrimas & thurea dona tulerunt

Tu uero Solymes confidentissime regum,
 Debueras primum qui te prosternere, & ipsum
 Muneribus multis donare, & ferre coronas,
 Indigne obtruncas puerum tot millia ferro
 Vt posses sæuo puerum deperdere ferro
 Qui non solū homines mortali haud priuat honore,
 Sed generi humano culmen conscendere donat
 Aethereum, astriferasq. domos et gemmea tecta.

Veridici uates, afflati numine uates
 Hunc mihi promittunt uenturum, hic ore leonis
 Eripit, & pecudes tot passas uulnera sanat.
 Nec refugit pro ouibus; ueluti qui diligit ipsum
 Cognoscatque pecus; crudelem occumbere mortem.
 Vera patris summi soboles, quem qui regit omnia
 Pontificemque dedit nobis regemque deumque
 Verus homo, uerusque deus, cui maxima cordi
 Iustitia, & pietas & mens cupidissima recti.

Mortales summo stellarum carmina regi
 Cantate, & noctem felicem hanc tollite cantu.
 Hac etenim infernas tenebras, Erebumq. ducēq.
 Terruit, & noctis fratres Erebiq. sorores.
 At mites animas reserandum quæ sibi cælum

*Sperabant, multo donauit robore mentis,
Lætitia & cælum terrasque impleuit & undas
Vt populum Phariis quondam Mofæus ab oris
Eduxit Solymum, duxitque ad tuta locorum.
Sic ille eduxit mites de faucibus orci,
Securosque hostis tranquillo induxit Olympo.
Cuius ego ad numen conuertam lumina mentis
Et magnum orabo rebus succurrat egenis.*

*O, patris æterni splendor quem pectore leto
Cælestes spectant animæ laudantque canuntque:
Et mille eruminis & tempestatibus actus,
Ad te confugio, prohibe me perdere gentes
Hostiles, nec te moueant mea crimina, felix
Aspice me, letusque tuam mihi porrige dextram
Vtere sancte pater solita pietate, tuosque
Defende, atque dolos hostis de limine pellas.
Disperde insensum cætum qui nocte dieque
Imminet in nostras animas & gaudia nostra.
Diua parens etiam quæ uirgo hac nocte uerenda
Te peperit, duros hominum miserata labores,
Conciliet placidis semper tua numina uerbis.*

De gaudijs beatæ Virginis.

V*ſ superum decus, & cæli regina supremi
Lætitiâ infundat menti, laudesq. tonantis.*

Pangere lato animo concedat, carmine dicam
 Gaudia Reginae superis quæ præsidet oris,
 Pectore quam lato uenerabor, mente humilique,
 Dum calos uoluent animæ, dum sidera lucem
 Præbebunt, post & perdent quæ lumina, & acres
 Absument ignes cæli ornamenta sereni.
 Haud me adeo fallit, quod qui uelit illius omnes
 Dicere lætities, citius queat æquoris undas
 Oceani, & stellas numero comprehendere cæli.
 Nos tamen e tanto numero septem illa canemus,
 Sanctorum quæ quotidie uersantur in ore.

Illa quidem uolucris puero dilapsus ab aureis
 Qui fuerat regnis, natum se regis Olympi
 Accepit concepturam, mundoque daturam,
 Sanctasque impletur nato ingrediente per aures,
 Post mensem & nouies lapsum candore manente,
 Incolumique pudicitia, peperitque deditque
 Vnigenam terris prolem Iouis exoptatam.

Quæ pia dum genitrix infantem lactat in antro,
 Tergemini longe reges oriente relicto
 Quævis ratio & magni monstrarant Sidera mundi
 Esse satum cæli regem terræque marisque,
 Muneribus secum conuectis in speluncam
 Perueniunt lætis animis, regemque uerendum
 Et cæli & terræ proiecto corpore adorant.
 Bis senosque puer cum nondum excederet annos,

Et pater & genitrix populoſa ex urbe redirent,
Credentes ſua pone ſequi veſtigia turba
Immixtū, immemores numeroſa in plebe relinquē
Quare illum foris atque intus, non abque dolore
Quaſiuere diu Phœbi ſed lumine quarto,
Lectorum in medio patrum nouitate pauentum
Inueniunt puerum mira atque indiſta canentem,
Qui poſtquā humano paſſus pro ſemine mortē eſt,
Et nigras uiſtor ſedes ſpoliauit Aucrni,
Terruit & diras animas tormenta minatus
Aeterna, ad ſuperos rediit, & ueſte recepta
Humana, ſe ſe monſtrauit, & immortalē,
Maiorem & radius, maiorem & lumine terris,
Dein populis circumſuſis ſpectantibus ipſum,
Ventorum nullo, nullisque iuuantibus alis,
Exuperans nubes, ignemque & ſidera & ipſos
Aethereos tractus, & cæli immobilis orbem,
Ad patrem rediit, uenerato & numine, ſceptrum
Accepit patrij regni terraque marisque.
Poſt autem diæ quam ſpiritus offa reliquit,
Et penetrat cælum descendunt numina, & almi
Accipiunt corpus, portantque inſignibus oris,
Dicentes diuæ laudes, atque inſculta facta.
Quod pater æternus multo dignatus honore
Vincere cui Solem radiis & uincere odore
Annuerat Cilicesque, & odoriferos Nabathæos,

*Informat felici anima, capitique coronam
Insignem stellis imponit, & effulgenti
Collocat in solio, demum denunciat urbis
Reginam aetheriæ, superum quam numina diuum.
Reginam appellant, uenerantur & ut genitricem
Calicolum regis, cuncta hec o regia uirgo
Lætitiæ argumenta tuæ sunt certa, precamur
Affice lætitiâ pueros, solare & alumnos,
Qui posuere tuo spem firmam in numine sancto.*

De morte Christi Domini Questus,

D*icamus iuuenum questus, & sancta piorū
De cruce deposito Christo quæ dicta dederūt.
Et primum Ionathæ questus, & dicta canamus.
Qui talem ob mortem lacrimarum flumine uultum
Sparserat ingenti, & gemitus effuderat altos.*

*Sancte pater licet inuidiam non moueris ullam
Pauperie, Atque humili uita, et sermone modesto,
Mirificis actis tamen, & sermone superbas
Increpitante animas, stygiasque minante paludes
Inuidia es magna atque odiis affectus iniquis,
Proterea que tuo gens dudum infensa parenti,
Te ligno infami & leto multauit acerbo,
Scilicet immites animæ iustumque piūque
Odere, atque uolunt a nemine castigari;*

*Nec sufferre queunt quod quisquam numine solo
Efficiat, multis nequeunt quod uiribus ipsi.
Ecquis sanorum potuisset ferre uirorum,
Auxilio sine mortali te redere lucem
Defectis oculis, aut captis auribus haustum?
Morte tua afficitur magno mens ægra dolore
Hoc tamen ipse tuam solabor carmine mortem
Imperio magni patris occidis, & tua sponte
Funera obis, letoque tuo nos eripis orco.
Et scelerum fluctus cessant, rapidæque procellæ
Haud alias unquam positura murmura & iras
Quippe uelut nunquam cessasset gurgite ab imo
Tempestas commota, esset nisi mersus in æquor
Fatidicus uates pulchro conuertere Olympo
Barbaricas missus gentes atque impia regna.
Sic humanorum tempestas peccatorum
Cessasset nunquam, nisi uitæ o maxime ductor
Mortiferas solyme te proiecisset in undas.
Quis tibi nunc hostis cernenti talia sensus.
Quos fremitus ædis? cum late uincula rumpi,
Prospicis, & sceptrum cernis te ammittere inane.
Infringique tuas uires, fraudesque dolosque.
Nunc uero argobii iuuenis lamenta Canamus,
Qui multos etiam gemitus effuderat imo
Pectore, & ærias questu Compleuerat auras.
O lux terrarum, spes o fidissima mundi.*

Quas nunc illustras diuino lumine gentes?
 Insuetam spargis lucem quibus orbis in oris?
 Quid te post tantos casus, plagasque cruentas,
 Dispersosque tuos comites, sociosque fugatos,
 Sic mœsti aspiciamus, quæ causa indigna serenos
 Mutauit uultus, aut cur hec uulnera cerno?
 Ipse nihil, nec mi quærenti taliâ quicquam,
 Respondes, sed te citius quam tertia surgat
 Aurora Oceano rediisse in luminis oras
 Accipiam, multis, & te monstrasse tuorum,
 Ipsorum & pulcris impleisse hortatibus aures,
 Quanta feres auidis genitor solatia terris,
 Gaudia quanta dabis, cum uictor ex oste redibis
 Teque triumphantem cernet plaga lucida cœli,
 Et manes seruasse pios ex nocte profunda,
 Quas nunc lætificas diuino lumine mentes,
 Respondens uatum dictis uotisque piorum,
 Qui te olim casto cecinerunt corde sub imas
 Descensurum umbras, uiuisque imperuia regna.
 Et nunc lætantur uerum sparsisse per oras,
 Teque salutiferum terris cecinisse futurum,
 Felicesque locos uocitant quo ueneris ipse,
 Laudibus omnigenis teque usque ad sidera tollunt,
 Victoremque canunt euersoremque ferarum,
 Tu citius surges, celi uesceris & aura,
 Acceptis primis membris & corpore primo,

*Vt nos iustifices cælo terraque marique,
Et nos ipsi etiam possimus surgere tecum,
Induti primos artus, & corpora prima,
Nam nisi tu primum surgas pater optime, nunquā
Surgere speramus nos posse in luminis oras.*

De die festo.

F*esta dies properat multo celebranda tonanti
Ardore, & cantu carminibusque nouis.
Qua decet & puros homines se ostendere mente,
Peccatis humiles & doluisse suis.
Quare oculi fundant lacrimas et pectora questus,
Vt questu & lacrimis crimina fæda laues.
Felices lacrimas propter peccata profusas,
Felices lacrimis quæ maduere genas.
Illæ animi poterunt cunctas abstergere labe,
Atque tibi offensos conciliare deos.
Authorique suo parient solatia centum,
Et cælo & terris gaudia mille ferent.
Inde Dei egregium supplex affare ministrum,
Et posce ut donet crimina fæda tibi.
Qui cunctas poterit labe abstergere mentis,
Admissum & uiuo fonte lauare nefas.
Atque animo ultrices poterit depellere curas,
Candori & primo restituisse tuo.*

Cumque

Cumque dies ueniet, letanti pectore adibis
Atque animo excelfo templa beata Iouis.
Illic diuinos extolle ad sidera cantus,
Et cane caelicolum carmina multa Deo.
Contemplare etiam summi benefacta parentis,
Diuinas facies, sideraeque domos.

Ad Macrum.

CHare Macer, cui mēs magno seruire tonāti,
Noscere & aeterni iussa uerenda Dei.
Illius ut possis altam cognoscere mentem,
Atque agere in summis secula delitiis,
Mosæi euoluas diuina uolumina, terris
Quatuor & sanctis scripta relictā uiris,
Non obscura sonant illorum scripta uirorum,
Effulgent medio splendidiora die.
Illa docent domini leges, sanctumque timorem,
Iudicia & mentem. iustitiamque Dei,
Lex Iouis aeterni gressus ostendit Olympo,
Perque uias rectas ire redire docet.
Illa ignorantum praeceptis pectora fingit,
Est hominum cunctis & medicina malis.
Et letas reddit mentes, & lumine claro
Illustrat, totum pectus & exhylarat,
Formidare Deum docet & pia numina amare,

Atque animum domini subdere seruitijs.
Vt nos irato clypeus defendit ab hoste,
Qui tentet morti nos dare uulneribus.
Sic Iouis æterni lex turpi a crimine seruat,
Et nostras prohibet commaculare manus.
Qui timet astrorum regem, calique sereni,
Ille beatus erit terque quaterque mihi.
Iudicia illius mira dulcedine uincunt
Hyblaum neëtar Mopsopiosque fauos,
Præponenda auro uoluit quod Lydius amnis
Et gemmus Rubri quas lauat unda maris.
Sancte pater, cuius leges dant cernere uerum,
Peccatisque pias abstinuisse manus.
Ingeniis quoniam delicta haud omnia nostris,
Nec cunctas labe cernere posse datur,
Nulla mihi adscribas peccata latentia, nunquam
Castiges, quod non talibus indolui.
Si prauis haud nostro regnent in pectore sensus,
Omnibus in rebus me sine labe geram,
Vt sine labe geram cunctis me in rebus agendis,
Extingue hostilis prælia seua manus.
Sic oris nostri semper tibi uerba placebunt,
Atque ea que uoluam pectore cum tacito.

De Maria Virgine.

Post quā primus homo primo deceptus ab hoste
Decerpsit factus arbore ab auricoma
Iupiter & latis homines eiecit ab oris,
Et misero electos punit exilio.
Non erat æterni posset qui numina regis
Atque homini offensos conciliare Deos,
Non erat, & mulier precibus qui flectere posset
Æterni sobolem numinis unigenam.
At genitus miseri conuertens lumina terris,
Induit e pura Virgine membra hominis,
Subicere & uoluit se humanis mille periclis,
Atque famem atque sitim pauperiēque pati.
Morte sua tandem placauit numina patris
Irati, & cunctorum agmina cælicolum.
Et generi humano clausum patefecit Olympum,
Oraque tartarei clausit aperta lacus.
Nec contentus eo, matrem mortalibus ægris
Placare ipsius numina magna iubet.
Illa igitur cæli regem dominumque precatur,
Vt nos in terris & tueatur aquis.
Ostendatque uia recta contendere, & omnes
Insidias Stygii det superare ducis.
Officio illius soboles æterna tonantis
Temnere dat Stygios terribilesque lacus.

*Illustratque hominum diuino lumine mentes,
Regnaque felicitis donat habere poli.
Rex superum qui te uoluisti in uirginis aula
Claudere, & ex illa sumere membra hominis
Da mihi uirgineas lætanti pectore laudes
Dicere, me monitis & regat illa suis.*

Ad Mortales.

T*Erigenæ classes manuū monumēta magistri,
Et regis dilectæ omnipotentis oues.
Qui cererem uobis multo sudore paratis,
Duram ut possitis pellere uentrē famem.
Qui consueuistis pro rebus inanibus, atque
Terrarum ante diem membra leuare thoro.
Cur pro cælesti regno & felicibus oris
Abnuitis placido membra leuare thoro?
Non hic perpetuæ sedes, mansuraque regna,
Sed sunt in superis illa beata locis
Eia illas igitur uires contendite ad oras
Querendum, & superas; templa beata: domos.
Sunt ubi delitiæ peritura tempore nullo,
Lætitiæ & nullo deperitura die.
Nec uos poeniteat duros subiisse labores,
Cælesti ut uobis detur in urbe locus.
Sudore ingenti terræ qui semina mandant,*

*Latitia pleni falce metent segetes.
Bissem heroes fufis fudoribus ibant
Terrigenas magni iuffa docere Iouis.
At poftquam terras orbem liquere uolentes,
Accepere illos aurea templa deum.
Illic iucunda cæli regione fruuntur,
Susceptique olim dona laboris habent.*

De Memoria diuinorum beneficiorum.

*S*Vccurrit quoties quod nos e faucibus orci
Eripuit ueri dextera magna Iouis,
Exilium patris antiqui folamur amarum,
Noftraq; lætitia plenius ora fonant,
Atque dei canimus pietatem, iuftitiamque,
Per plateas omnes per fora perque domos.
Et uictos angues læti cantamus auernos,
Et uictas furias tartareumque ducem.
Pofteritas etiam cuncta hec modulabitur, olim
Maiores in sancta ut cecinere domo.
Sancte pater qui cælestes mulcere procellas
Et placare potes murmura sæua maris.
Seda animos hominum Christi qui figna fequuntur,
Ne patere ut uincat pectora nofta furor.
O furor o hominum corruptor & impia labes,
Quid mihi perpetuo tot fera bella moues?

Num poterit melior ratio contendere tecum,
Nunquid succumbens impia terga dabis?
Succumbes reor, & fugies hinc, quare ego victor
Aeterno ponam lata trophea Ioui,
Qui genus humanum componat pace quieta,
Et fuget a nostris bella nefanda locis.

Ad Scipsum.

Ecce pater diuum placidas tibi praeiit aures
Audit a regnis & tua uerba suis.
Insensasque tibi tribuit contemnere turmas,
Eripuitque altis fluctibus & pelago,
Extollas caeli duplices ad sidera palmas,
Et celebres cantu numina magna Dei.
Nec tibi deficiat spes ullo in tempore uitae,
Seruabit cunctis te bonus ille malis.
Iniustum uideas licet usque ad sidera tolli,
Ditarique agris & pecore innumero.
Impia ne laudes animarum facta nocentum,
Nec caeli incuses sidera, nec superos.
Demessa arescent feruore ut gramina Solis.
Qui rapidus terras excoquat & maria.
Alme hominum princeps quoties tua numina posco,
Exaudi poscentem a regione poli,
Perde tuos hostes, Stygios & perde colubros,

Eripe & a dira pectora nostra manu.
Sponte ego califeri patris benefacta fatebor,
Et pulchrum domini nomen ad astra feram.
Cantemus Christo mortales carmina & hymnos,
Qui generi humano præsudet, atque deis
Sanguine qui proprio nobis patefecit Olympum,
Nostraque dulcifluis uulnera lauit aquis.
Et pietate sua proprio nos corpore pascit,
Atque suo expellit sanguine ab ore sitim.

F I N I S.

4082.8
7



